

Ne auen tshe mashinatauishut umashinaikan

Utshimautshetshitapataktshemashinatauishunanuttshuitamak^ueshinakuannititshitipenitamuna.

Tshika tshi a mashinatauishun?

Tshetshi mashinatauishun, tshika ui uinakaun nete mashinaikanit ka uinakanitshetshiatapataktshemashinatauishun nete utshimautshetshitapataktshemashinatauishun mak tshika ui ume ishi-kanuenitashun :

- tshika ui peikunneupipuneshin ashu nishuaush kie ma etatu ■ tshika ui ishi-uinakaun miam auen ka utshipanit ute Canada-assit ;
- shash kutuasht-tatupishimua ute Uepishtikueiau-assit tshika ui apin.

Tshuinakaun a anite mashinaikanit ka uinakanitshetshiatapataktshemashinatauishun ?

Tshipa tshi natu-tshisseniten tshitapatamani mashinaikan tshe itishaikanit mitshuapit.

Tan tshipa tuten tshetshi mashinataukauin anite mashinaikanit ka uinakanitshetshiatapataktshemashinatauishun?

Tshipa ui ituten nete mashinaikanitshuapit ka ueueshi-tshitapataktshemashinatauishun nete utshimautshetshitapataktshemashinatauishun kie ma tshetshi minushtakanit ne mashinaikan. Peik^u tshikanish, tshinapem, tshishishkuem kie ma ne auen ka uitapimishk tshitshit tshipa tshi natuenitamu tshetshi tutakannit.

Tshika ui uapatiniuen nish^u kanuat meshinataikanit tshitishinikashun natuenitamani tshetshi mashinataukauin kie ma apu tshika ut tapuetakanit eshi-natuenitamin.

Ushkat kanu

Ne ushkat kanu, tshika ui mashinataikanu tshitishinikashun mak tan ishpish ka inniuin. **Mate :** Mashinaikanuian ka uitakanit tan ishpish ka inniuin, tshitakushiu-kanum, tshimashinaikan pepamishkananuti.

Kutak kanu

Ne kutak kanu, tshika ui takuan tshitishinikashun mak tanite epin. **Mate :** kanu tshetshi pimipanitakanit utapan (utapan-kanu), kaimitunanut-mashinaikan kie ma uashtenimakan-mashinaikan.

Tanite tshematet mashinaikanitshuap ka ueuetashtakaniti mashinaikana ?

Anite tshematet, tsheku-tshishikua mak tan tatutipaikana shienakanit ne mashinaikanitshuap nete uitakanu mashinaikanit ka itishaikanit mitshuapit.

Apishish pitshitanakanu ?

Shaputuepanu ne tshishik^u tshetshi ueuetashtain tshimashinaikan ek^u tshui natueniten tshetshi uinikaun kie ma tshetshi ueuetashtakanit ne mashinatauishu-mashinaikan? Tshipa tshi aimin nete mashinaikanitshuapit. Tshika uitamakaun tan ishpish tshetshi ueuetashtakanit ne kau mashinaikan mak tanite tshe itutein. Anite tananuti, muk^u tshiam ne auen ka ui mashinatauishut tshika tshi natuenitam^u uetshit tshetshi mishkutinakanit nenu mashinaikannu.

Mishta-apatan ume! Tshi mashinataukushini anite mashinaikanit ka mashinataukaniht auenitshenat miam ueuetashtakaniti, apu tshika ut tshi mashinatauishun ne tshishik^u ka pitshitanakanit, muk^u tshiam nete tshishikua tshe mashinatauishunanut nete umashinaikanitshuapit kupaniesh ka atusseshtak meshinatauishunanut kie ma tshipa tshi natshi-mashinatauishun neme tshishik^u utshitshipaniti tshetshi mashinatauishunanut.

Tanite mak tan ishpish tshe natshi-mashinatauishunanut?

Peshinakuaki tshetshi mashinatauishunanut, tshika itishaimakaun kanu tshetshi tshissiumikauin tanite mak tan ishpish tshe mashinatauishunanut. Utitshipaniti ne tshishik^u, tshipa tshi ituten anite meshinatauishunanut peikushteu-tatutipaikana mak pushk^u nuash nishuaush-tatutipaikana utakussiti. Tshipa tshi ashit uipat mashinatauishun eshk^u eka utitshipaniti tshishik^u. Tshishikua mak tatutipaikana tshe shenakaniti mitshuapa anite uipat tshe mashinatauishunanut mashinataikanua nete uitakanua mashinaikanit tshe itishaimakaun tshitshit.

Ussi-tshekuan : patetat-tatutshishikua takut tshetshi mashinatauishunanut

Apu tshi mashinatauishun neme tshishik^u ka takuak tshetshi mashinatauishun kie ma nete kutaka tshishikua ka pitshitshinakaniti? Patetat-tatutshishikua takut anite tshiminikaun tshetshi natshi-mashinatauishun nete utshimau ka takuaimatak meshinatauishunanut umashinaikanitshuapit kie ma nete ait mashinaikanitshuapit. Ui tshissenitameku tshishikua kie tan ishpish tshe nutenakaniti neni mashinaikanitshuapa, tshe shatshuapatamek^u neme nitatusseu-katshitapatakaniminan kie ma tshe aimiek^u nete nimashinaikanitshuapinat.

Tshekuan tshe tutamin tshetshi mashinatauishuin?

Ushkat tshekuan Ne kupaniesh etusset nete mashinaikanitshuapit tshika tshitapatam^u tshetshi ma mashinataukauin nete mashinaikanit ka uinakaniht anitshenat katshi mashinatauishuht.

Nish^u Tshika uinitishun mak tshika uapatiniuen peik^u tshikanum.

Nisht^u Tshika minikaun peik^u mashinaikaniss tshetshi mashinatauishuin.

Neu Tshika ituten nete katshipaikanishit tshetshi mashinatauishuin apu auen tshika ut uapamishk anite. Tshika ui muk^u tshiam peik^u mashinatain ne kauuaiat, tshika ui apashtauan nenu mashinaikanashkunu ka minishk ne kupaniesh.

Patetat Tshi tshishi-mashinatauishuini tshika ituten nete mitshishuakanit.

Ktuasht Tshin tshika pitain tshimashinaikanuian nete miutit, ka tatakaniti mashinaikana.

Mishta-apatan ume ! Ui mashinatauishuini, tshika ui uiten eshnikashuin, tshika uapatiniuen peiku kanu, utshenat ka-uinakanuti :

- tshitakushiu-kanum ;
- tshimashinaikan utapan e pimipanitakanit, tshutapan-kanum;
- tshimashinaikan pepamishkananuti ;
- tshitinnu-kanum ;
- tshishimakanishiu-kanum, uatakanit etain nete shimakanishat Canada-assit.

Apu tshi aiatshin a?

Tshek ma eka tshi aiatshini, usham tshitakushin, tshika tshi mashinatauishun nete tshitshit. Ne ui tutamani, tshika ui mashinaimau ne kupaniesh ka atusseshtak meshinatauishunanut. Ui natuenitamani tshetshi mashinatauishuin nete ut tshitshit, tshika tshi natu-tshisseniten tan tshe aitin nete mashinaikanitshuapit, ne utshimau ka tshitapatak nenu meshinatauishunanut.

Auen an tshe atusseshtak nenu tshe mashinatauishunanut ute Uepishtikueiau-assit?

Ne eshnikatakanit utshimau ka takuaitshet nete meshinatauishunanuti nete Uepishtikueiau-assit, mashinaikanitshuap an eka uiesh ka tapitik kie eka auennua ka uitshiat, uatshitak tshetshi mashinatauishuiek^u.

Katak^u a anite tshutshipan?

Kanapue passe uesham katak^u tshimateua utenaua eukuan uet tutakanit tshekuan.

Neni tshekuana ka tutakaniti uitshiuuea tshetshi :

- natuenitakanit tshetshi ueuetashtakanit mashinaikan ka uinakaniht auenitshenat katshi mashinatauishuht e apashtakanit takapitshenikan;
- mashinatauishuht uipat auenitshenat ua mashinatauishuht, e tshitishaikauie umashinaikannuaua;
- tshitishaimiek^u tshimashinaikanuau ka tshuauinakaunaua ashit ne takapitshenikan.

Tshipa tshi aiminan tshetshi natu-tshissenitamek^u tshetshi ma uitshikauiiek^u tsheshi mashinatauishuiek^u kie ma, itutek^u nete atusseu-katshitapatakanit tshe shatshuapatamek^u etashtet "Eshi-uitshiakaniht auenitshenat tshetshi mashinatauishuht anite katak^u ka apiht".

Tshikukuetshimitishunau a?

- Shatshuapata nete atusseu-katshitapatakanit, utshimau ka takuaimatak nenu tshe mashinatauishunanut : **www.electionsequbec.qc.ca.**
- Tshipa tshi aimiauau ne utshimau ka takuaimatak nenu tshe mashinatauishunanut, nete kaimitunanut eka ka tshishikashunanut tshe aimin : **1 888 ÉLECTION (1 888 353-2846)**
- Tshika tshi mashinaimau ne utshimau ka takuaimatak tshe mashinatauishunanut nete utatusseu-katshitapakanimit : **info@electionsequbec.qc.ca.**